



芒噹丟仔 —— 台灣鷦鶯

芒噹丟 (tiuh) 仔一起飛
管芒花就叮叮噹噹
寒--人有夢，睏去的目睷
閣會搖咧搖 (tiuh) 咧
若屨窗，看風景，咧迫人
人迫火車，親像一隻芒噹仔
愈拋愈遠
躑躅空躑躅空
是按怎？咧迫咧飛
伊都丟丟噹仔

芒噹仔一起飛
一條線軟軟軟
懸懸低低像浮浪
牽風半空中，一逝一逝歌譜
拔長長，伊都
丟丟噹仔
過磅空過磅空
回鄉的人

目睷掣咧掣咧耳空攞攞
較夢都夢冬

瘦抽瘦抽的鳥隻
親像牽手的指頭仔
遐爾仔幼！飛來飛去空中刺繡
一个葫蘆袋仔
愈來愈粗的腹肚
伊都芒噹仔岫

PS/芒噹丟 (tiuh) 仔 (台灣鷦鶯) 的岫 (鳥巢) 外形像葫蘆袋仔，非常幼秀 (精細)，大多是芒草編織。





思啊相枝

——鴿子

粉鳥仔自你手心飛去
思啊--想--起
愈去愈遠
一山過一山
賸一條線
你摸線頭
一彈
月琴隨回聲
有影，若像親情
恆春定定，看海照鏡
無講按怎
二面近近爾爾
是按怎
粉鳥會認毋著相思的路線
飛轉來的明信片
攏是羅馬教堂大埕
人用物件咧啞
這款鳥仔的形影



啊！若是閣飛去北京
你彈月琴
聽嘛
傷細聲
思啊相枝





出火！起鉞 —— 燕仔

排列倚佇電線的燕仔
一逝一逝若五線譜，定定
等看著人 peh 上電火柱
音符起飛，規逝
出火
燒燒花花
鳥仔毋看無
台電的是咧創啥貨

做岫躡人亭仔跤
店面壁角若吊一个錢袋仔
等人客，一入來
袋仔喙隨搖，規岫
起鉞 (giang)
叮叮噹噹
鳥仔困咧聽？早餐是按怎
愛閣有銀角仔聲



全厝頂夢相向 —— 麻雀

鑽出鑽入的厝角鳥仔
鳥仔聲扛竹籠 (long5) 仔
叮叮咚咚
竹籠仔扛塗整厝
親像扛轆
搖咧搖咧歎咧歎咧
咻咻叫
毋驚做風颭
三代五代攏圍佇厝內
一个岫鋪草蓆仔
伊睷阮睷
攏蓋全一層
雲煙厝頂
伊的夢阮的夢
攏平長
眠床相向
同齊等天光
看佻遠





烏斫仔貯豆油

——喜鵲(客鳥)

客鳥生做啥物款？親像警車
一陣風飛過的色綴
你印象干焦白白
其實規隻大部份鳥色
內底若是閣載鳥底--的
伊飛愈緊愈遠
你的視線拖愈長
記持
煞愈短
賸白白

客鳥出生的苦毛仔嘛是
殫殫白白，大隻才翻鳥
到會飛，展翅就闌日
伸手就遮天
盡靠靠鳥底的身軀，外口
披一領深藍大衣
翼仔尾指頭仔，攏套
白色手囊仔，一飛起來



雲隨抹鳥，若落雨
看天破糊糊

彼陣熱--人
討海人有戴草笠仔無穿鞋
欲走過一大片的沙埔
比過火儀式較恐怖
攏愛先從入去麻黃仔跤，遮蔭
頭殼頂若閣有客鳥岫
逐家輪流秋清
按呢習慣講致蔭
若眷村的鳥仔岫袂鳥有
就像烏斫仔貯豆油

PS/喜鵲：苗栗縣鳥，台語叫「客鳥」，也稱「蔣鵲」，相傳 1775 年蔣元樞上任台灣知府時位唐山帶來的。